

Angaangan non Famini

drawings by Iwish Mathias
text by Alvios William





Iei aan Chiro we famini.
Iten seman Chiro, Siro.
Iten inan Ansina.
Iten feefinan kewe Meriam me Merini.



PALM



LANGUAGES





Siro emén sou-annuk. E kan angaang nón aan we oofes seni
Sárinfáán toori Enimu. Nón Ammón Siro aa kan kinikin
maai. Nón ekkóóch Ammón aa kan nó attaw.





Ansina e kan enimenim nón pwan núkún imweer we. Ii e kan túmwúnú Meriam pwún Meriam mei chúwen kúkkún. Ansina e kan pwan kuk eneer mwéngé.





Merini e kan ánisi inan we nee soopw.
 Merini e kan pwan kuk eneer mwéngé.
 Merini e kan pwan akunowu Meriam.





Chiro aa men mwochen ánisi seman we ne angaang. E kan fiti nee nó attaw. E kan pwan fiti nee nó kinikin maai. Chiro e kan pwan ánisi seman we ne nó atake.






Chiro aa kinikin maai. Seman we aa otoot fáán aar kewe
maai. Aa pékú ekkewe sáán mei tééki wóón aar kewe maai.
Aa pwan oteei ekkewe fetin seni pwopwun ewe maai.





Siro me Chiro raa nó attaw.
 Raa ameresi aar we cheew nón ewe sáát.
 Chiro aa túúnó nón ewe sáát. Aa kúna ekkewe iik nón ewe
 cheew. Chiro aa níápeni emen iik mei wátte wóón okun we
 mechá.





Siro me Chiro raa fókkun niapeni chómmóng iik non ewe ráánin. Raa waanó nón ewe neenien améémé iik. Raa uwei ekkóóch pwe eneer nón imweer we.





Ansina me Merini raa kukkunow nón ewe pi.
Merini e kan amóóta Meriam nón ewe pi.
Meriam aa kan fókkun takir.
Aa kan tukeei ewe pi nón péún iwe aa kan minaatá wóón
mékúran.



PALM



LANGUAGES





Merini aa rong úngúngún mwoota.
Merini aa kéérí inan we pwe epwe katon menni ewe
mwoota. Ansina aa kúna ewe mwoota.
Aa itini nge aa kan takir.





Meriam aa pwan kúna ewe mwoota. Meriam aa fókun kan
pwaapwa. Aa kan pwan itini ewe mwoota.





Merini aa esinna Chiro me wóón ewe mwoota.
 Chiro aa kan eitiéta péún nge kapwong ngeni
 Merini me Meriam. Chiro aa kan epiietá niapan we iik.




PALM



LANGUAGES





Ansina aa waawu eew waspeesin reen Chiro. Siro aa isenaanong ekkewe iik nón ewe sepi. Siro me Chiro raa eki fengenni ewe waspeesinin iik. Raa waanong ewe sepien iik wóón ewe pi.




PALM



LANGUAGES





Ansina aa kuku ekkewe iik.
Merini aa kemwech Meriam.
Siro me Chiro raa nó túútú.





Siro me Chiro raa móttiw nón ewe kiekí. Merini me Meriam
raa pwan móttiw nón ewe kiekí. Ansina áa waato ekkewe iik
reer. Iir meinisín raa mwéngé. Raa fókkun pwaapwa reen
annéén eneér kewe mwéngé.

